

АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 07 (91) июль 2009-шин / Кказит буккайссар зуруй цал / Шяъбан 1430-шин. Багъа 15 къ.

МУБАРАКССА БАРЗРУ

ЦИУССА ХАВАРДУ

Шяъбан барз




Шяъбан барз хьинну шхирасса, даража хьунмасса барзри. Муниву ца кьини зума дургьуну цума ухьурчагу, мунал чурх царан хІарам байссар.

Алжаннаву Юсуп идавсил и гьалмахчунугу икІайссар, Ажуб идавсин и ва Давуд идавсинуксса и чиригу булайссар, гьаттал цаншивугу яла гьан дайссар, Мункар-Накирнал ццахханнараятугу ххассал шайссар, Къияматсса кьини мунал авьратгу чІалан къадикІайссайр. Му зурул хьхьичІра-хьхьичІсса цІузурул хьхьуну ацІния кІира ракааьт ссунатрал дарча, альхІам бувккуну махъ гьарца ракааьтраву ххю-ххюва къулгьугу буклай, ацІния кІиазара шагьиднануксса чире буссар, ацІния кІира шиная эбадат дурссаксса чиригу чичайссар, ниттил лякьлуд увсса кьини куна бунагърая марцІ шайссар. Муниа тихунмай мяйцІалва гьантлий мунал хатІагу къачичайссар.


Гъумуксса мажлис

Июль зурул 5-нний Гъази-Гъумучиял шяравусса Хъун мизитраву мажлис хьунни. Гикку Лакрал ва Ккуллал рай-оннайсса шяраваллил имамтурал гьинттулсса даву дачин даврил ва Исламрал ВУЗирттал студентътал практикалийн тІайла буккавил сант дутлай бия. Мажлис бачин бувну ия Дагъусттаннал бусурманнал РувхІанийсса Идаралул зузала Новолакрясса МахІаммадов КъурамухІаммад. Мажлисрайн бавтІминнал хІукму бунни гъашинусса гьинттул Лакрал ва Куллал районнайсса шяраваллал жяматиртташчал динналун хас дурсса хьунабакъавуртту дуллан. Мажлисрал ахирданий дуаьлуву Аллагу Тааьланахъ вания гихуннайсса давриву тавфикъ чІа кунни.



ЛАКРАЛ ЗИЯРАТ

Сайфуллагъ Къадинал шяраву



Июль зурул 5-нний жу Аллагьнал цІимилийну, тІайла бацІу хьуну, Лакрал райондалийсса НицІавкІуллал шяравун зиярат буварду.

НицІавкІуллал шяраву хІакьинусса кьини, так ца 5-ва къуш ливчІуну бур. ЦІана гиккун автомашина лагайсса ххуллу бакъар, мукунма я газ, я электричество дакъар. Жу хьинну махІаттал хьуру, цІанасса чІумал укун захІматсса тагъарданий инсантал ялапар хъанай лявкъукун. Вайннахъ цІувххукун: «Зу ялапар хьун бигъасса, сант дусса кІанттайн цан къабизару» - куну. Гайннал жаваб дуллуна: «Аллагьнайн цукру, жул дакІурдиву буттал кІанттучІансса ччаву ххину дур бигъаширийн кІункІу тІавунияр» - куну.

НицІавкІуллал шяраву жун ккавккунни шайх Сайфуллагъ-Къади (къ.с.) хьуна хьусса ва ялапар хъанай ивкІсса къатта. (суратрай). Сайфуллагъ-Къади (къ.с.) цукса даражалул шайх ивкІсарив бусаншиврул, шайх Саид-Афандинал (къ.с.) увкусса махъру биял хъанай бур: «Аллагьу Тааьлалан ганан ахиратралгу, дунияллулгу цинярда элмурду тІиртлуссар. Бюхъавай шанма зуруй цал ганачІан зиярат баву хьинссар. Мукун къабюхъарча, дачи шиная цал. Мукунгу къахъурча, шиная цалвагу бувну хьинни». Сайфуллагъ-Къади (къ.с.) кунмасса инсантурал АллагьначІа даражалул лахъшиву жулва аькьлудун бувчин шайсса зад бакъар. Жунма кІулсса куццуй, Сайфуллагъ-Къади (къ.с.) увччуну уссар Верхнее Казанище тІисса шяраву.

Ва номерданий:

2	ЦИУССА ХАВАРДУ Жува мурахасну бакъару провкатортурая	4	ИСЛАМ ВА ЭЛМУ Ци тІий бур медицина зума дугъаврия	5	КАЛЕНДАРЬ Бараатрал хьхьу	6	КЪУРЪАНДАЛУ КАРАМАТШИВУ Ва иш циванни укун бусса тІий, пІякъ учІа Иман дакъамий	7	ИХІСАН Рижалул гъаибин
---	---	---	--	---	------------------------------	---	--	---	---------------------------

ЦИУССА ХАВАРДУ

Австралия:

Экономикалул кризисраяту
дуниял ххассал данссар

Исламрал арцул

Экономикалул кризисрава буккансса ххуллурдах луглай, Австралия личилулу буруглай бур Исламрал банкирдал ишла дуллалисса низамрах, цачларагу дачин дурну, зузалтран цюсса клантурду булланшиврул. Хлакьинуса кьини, Исламрал банкирдал низам хъанай дур яла хъхьичуннайсса кризисрахъун къадирийясса система. Цана дунияллий бусса бур 300 Исламрал банк, ва миннул хъуниминнал тлутимунин бувну, миннул оборот дур 1 триллион доллардал.

Польшанал бусурмантал
тлалав буллай бур,
Исламрайн бувну
бивхъусса магъар
хлакьшиврин калли баву

Польшанал бусурмантурал уммат тлалав буллай бусса бур, бусурмантурал байрандалул гъантрай бигъалагай кьинирду даву. Мукума Шариатрайн бувну бивхъусса магъар хлакьсса бушиврин калли баву. Тайнал кодексрайн бувну, бусурмантурал хъати калли къабайсса бур. Бусурмантураца къашайсса бур рахлатну цалла байранну тлай дуккан. Польшанал закондалин бувну, цияв бусурмантурай бурж бусса бур, гъарца нюзмар чак буллайни хукуматрал хъуниминаха дуаь даву. Вай гъантрай Польшанал парламентарал му закон дукъан дан най бур. Цюсса закондалийн бувну, бусурмантал даврия ита бакьин тий бур байрамду дусса гъантрай, ва магъарду мяйжаннусса бушиврий калли бан най бур. Польшанаву ялапар хъанахъисса бусурмантурал оьрму бигъа хъун най бур.

Европа ххассал банссар
Исламрал

Европа цана багъну най бур къуманивун. Ялттува плай-плай тий бунугу, ххаллилсса къатри буну, чальаьрду бувну, элмулул ва личи-личийсса технологиярттал хъхьичун бувкун бухурчагу, инсантурал оьрму бигъа буллай, захиматсса давуртту машинарттах дуллай бунугу, инсантурал дянивсса ара хъинну оьккисса дур. Чявусса бур авлия хъанахъисса, цалла цивпа литлатисса, зуна буллалисса, хлакьияртту, наркотикру аьркин буллалисса, гъарачишиву дуллалисса, хъанний зулму буллалисса. Дазу дакъа чяру хъанай дур оькки азарду. Инсантурал дянивсса ччаву, куннай-кунналсса вихшала духларгун дур. Цияв нигъа бувсуну бур бивкюлия. Кулпатру ливну бур, гъаншиву личун дакъар. Хукуматирттал хъуниминаца цичлав бан бухълай бакъар. Алимтал цичлав дуллай

бакъар, миннал лагма дуниял къуртал хъусса хханссар. Европа бавцун бур ци ххуллу бугъансарив къаклулу. Европанан ливчун бур ца ххуллу цуппа ххассал хъунсса. Му ххуллу – Ислам. Цамур бакъар.

Ричард Белл
Англиянал ученый

«Дагъусттаннал
Къуръанну» тисса
выставка тиртунни
Эрмитажраву

Эрмитажраву тиртуну дур «Дагъусттаннал Къуръанну» тисса выставка. Инсантураца ккаккан бухълай бур хъхьичла заманнай чивчусса мубараксса луттирду. Выставка-сакин дурну дур Дагъусттаннал научный центрданул ва Абу Ханифал цанийсса фондрал. Выставкалий бивхъуну бур Дагъусттанная бивкиса 19 багълул яла лаваймий луттирду, ва Эрмитажраву бивкисса 8 лу. Луттирду бур XI-XVII ттуршукурдай чивчусса. Яла хъунмамур Къуръан чивчуну бур Хусейн ибн Мухаммадлулар арнал Мухаммадлул 1009-ку шинал. Выставка тиртуну диклантиссар ва шинал 6-чинмур сентябрьданнин.

Къахлиб дунни
аьлимтурал мажлис

Июль зурул 1-ний Шамильский райондалийсса Къахлиб тисса шяраву Дагъусттаннал аьлимтурал ярглийсса мажлис ва «Ассалам» кказитран хас дурсса батлаву хъунни. Мажлисрайн бивкминнал хъхьичи ваъзарду бан бивкун бия щалагу Дагъусттаннайх машгурса аьлимтал. Мукума мавлудругу, нашидругу дуклай бия. Ассалам кказитран хас дурсса батлаврий анаварну хъирив лаяву тлалав дуллалисса суаллу щаллу буллай бия. Къахлиб барачатсса шяравалу хъанай дур, шама тарикъатрал усттазнал ватан дунутий: Хасан-Афанди, Мухаммадаьриф-Афанди ва Хлабибуллагу-Хлажи. Ахирданий мажлисрайн бавтминнал дуаь дунни Аллагу Тааьланахъ Дагъусттангу, щалагу дуниялгу бала-апатирттаца буручиннав, куну.

ХИРАМИС

Зума Аллалла
ОААЕН
Къаклулссар
мунихлунусса чири
Аллагънан бакъа

Жува мурахасну
бакъару
провокактортурая

Уттигъанну жул кказитрай рирщуну дия сайтрава ларсусса макъала, нюзмар кьини Махичкъалалив Котровалийсса мизитравусса вяъзалия бусласисса. Жухъ миннат бунни мизитрал хъуниминнал бувчин бан га бусаврия. Жу буслай буру интервьюрая, Махичкъалалив Котровалийсса мизитрал имам Хасан-хлажи Хасаналиевлуцалсса ихтилатрая.



- Хасан-хлажи, бусласаврийн бувну, экстремистурал сайтраву, зул мизит вайминнуя личий хъанай бур. Ссалцанийри му масъала Котровалийсса мизитрацал бавхлусса?

- Котрова кучалийсса мизит вайми мизитиртта личий къахъанахъиссар. Гъарца кланай кунма жучлагу дувайссар эбадат, къануннах ва чичрурдах бурувгун.

- Зул мизитрайн «Лакрал мизит» тий бур.

- Цукунчавсса миллат личий баву жучла дакъассар. Мукум къабиклан аьркинссар вайми мизитирттаву. Мукум халкъ куннай ку бичлай бур, миллатирттал дянив душманшиву рутаншиврул. Мизит – Аллагънал къаттари. Гъарца бусурманчунан клуну биклан аьркинссар, ччимур мизитрал нузуру миннал хъхьичи тиртуну душиву. «Лакрал мизит» тисса ца личуну дур халкъуннаву, цанчирча, мизит бусса клану ва мизит бавриха лак зий бивкун тий.

- Цана бакъассарив?

- Гай сагъну бакъар.

ЛЗ

НУКИУ ЗАМАННУА ХАВАРДУ

Бархъаллал маллай

1979-ку шинал бувксса Лакрал поэзиялул антологиялий Бархъаллал Маллайтуса чичрулуву ца гъалатI ита бавкуну бур - Маллайл буттан ца МахIаммад диркIссар тий. Майжанмур - Маллайл буттан ца МахIмуд диркIун дур. Маллайн цанна ца диркIун дур МахIаммад, амма оърчнйира ларчIсса чулий ца - Маллай, лирчIун дур оърмулухунгу, литературалувугу.

Маллайл буттал, МахIмудлул, бивкIун бур ххюва оърчI: шамма душ - Ххамис, Ххаджат, ПатIимат, ва кIия арс - Къади ва Маллай. ЧIана чIивимагу ивкIун ур Маллай. МахIмуд цува мискинсса хъудугъу унугу, шяраву хъинну сий дусса, халкъуннал хIурмат байсса адимина ивкIун ур, хъинну ххуйсса такъвалий дакIних Къуръангу буккайсса. Оърмулул мукъцIалла шинаву МахIмуд дунияллия лавгун ур. Маллайнгу та чIумал дахъра мукъра шин оърмулул диркIун дур. Та чIумал Бархъарав мукъва мизитгу, мукъа къадигу ивкIун ур. Лаккуй яла гужмур элмулул щарашину хIисав байсса бивкIун бур Гъумучи, ванил хъирив Бархъал. Га ЧIумал Бархъарав бивкIун бур ца дусса, та чIумал Дагъусттаннай машгъурсса бусурман диндалул аьлимтал, Халипа-Оьмар ва Мирза-Къади. Бархъаллал къадитурал цала шяраву Къуръан лахъхъин къабувсса оърчIгу къаитайсса ивкIун ур. Ятинтуран уква, чирилун лахъхъин байсса бивкIун бур. Маллай оърчнйи Къуръандалий ивкIун ур Мирза-къадиначIа. ОърчIниязIавасса Маллайл караматсса, инсаннал дакIнивун, чурххавун ццихъ бутлатисса ххуйсса чIуницIун ва хIалимшивруцIун Мирза-къадинан га хъинну ххира хъуну, ганан диндалул въязарду, мавлудру лахъхъин дуллай, цацала диндалул мажлисирттайн уцлан ивкIун ур, мизитраву акбар учин айсса ивкIун ур. Цаппара шиннардава Маллай диндалул въязарду назмулий цалагу ляхъан буллан ивкIун ур.

ЧIаяциял Ххаджат дакIнин бутлай дия: «Ттун Маллай цалчин ккавксса чIумал, ганан духъунссия оърмулул ххюцIалла шин. Чурххал лахъ акъасса,



Суратрай кияха урчIахунмай: Бархъаллал Маллай, НицIавкIуллал Шапи, Гузунхъал ХIасан

къалиправу авкъусса, хъунийсса лухIисса, инсаннал дакIнивун ццихъ бутлатисса яругу бусса, хасиятрал хъинну хIалимсса, кIукIлусса адимина ия. Ихтилатгу байва лагъну, хIалимну, ва ца такъвалий дуаь ккалаккисса кунма. Ганал ихтилатрах вичи дишин тIааьнну бикIайва. Яла-яла такъвалий Къуръан, ягу мавлуд ккалакканий, ганал дакIнивусса, чIунивусса гъавасрал къатта буцIайва, инсантурал дакIру парх чин дайва. Заннал буллусса ляличийсса пагъму-

гъунарданул, кашфу-караматрал заллу ия». Та чIумал Гъумучатусса Рашкъухъал, Сайид-ХIусайнхъал ва Хъуриятусса ЦIаххуйхъал оърчIру бивкIун бур Бархъарав Халипа-ОьмардучIа бусурман диндалул элму лахълай. Гайннал Маллай цалчин Гъумукун увцуну бивкIун бивкIун бур хIажлив нанисса хIажитурал дуллалисса мавлудрайн. Маллайл чIунил хIайран бувсса Гъумучиял диндалул аьлимтурал маслихIат хъуну бур, Маллай Гъумучиял хъун

Зума хIуфIайн дуржагърал цIарая мурахас увайсса.

мизитравун мудунну уцин. Мукун оърмулул ацIния арулла шинаву Маллай агъну ур Гъумукун.

Хъун мизитраву къулгъу-зикри буллалиний, ягу мавлуд дуклакийнй цацIун шайсса бивкIун бур Гъумучатусса Аьлишахъал ХIасан-ХIусайнгу, Кумиял Аьвдулмажидгу, Маллайгу. Вайннал мажлисрах вичи дишин чIявусса агъалийгу батIайсса бивкIун бур. Маллайл пагъму-гъунар кIулхъукун, ганацалдусшивудурну дур Гъумучатусса Гузунхъал ХIасаннулгу, НицIавкIратусса Башларов Шяпиналгу (Апал Шяпи), хIатта гай баястлий цацIу щябивкIун шаммарду ляхъан буллай бикIайсса бивкIун бур.

Гъумук Маллай ухху-укку шайсса ивкIун ур Пир-Сулайманхъал МахIаммадрасуллучIангу, Рашкъухъал МахIаммадлучIангу, Сайид-ХIусайнхъал ГъазиначIангу. Буслай бур, яла махъ, Маллайл ва Гъумучиял ПатIиматлул эшкъи-ччаврил хавар бувксса чIумал, Маллайл дустурал:

- Ханнахъал, душних эшкъи хъусса жагъилнай рахIу къабикIайссарча, га яла ххуймур ссакъаллатрал чиллу-чухъри дикIан аьркинссар», - куну. Цала харжирацIух Маллайн хъхъинякIисса ссакъаллатрал чиллу-чухъригу, арцул мухIлу-ххаржангу дан дурну дур. ЦIуну дурсса яннагу ларххун дустурал Маллай сурат рищун увцуну ивкIун ур. Чурххал лагъсса Маллайл мухIлу-ххаржан дархIукун, ххаржан диркIун дур лахъину зурчIай тий, ччаннахун дахчилайча, Маллайл: «Ттул душман акъассар, ххаржан дархIуну занан ттун аьркиншиву дакъар, мара зула ххаржан», - куну, дуллуну дур ххаржан махъуннай Гузунхъал ХIасаннухъхъун.

Жува мурахасну бакъару провокатортурая

V 2

- **Мизитран кумагрансса арцу ча лякъару?**
- Мизитравунсса арцу жу датIару кассалий, нюжмар къини дуллалисса. Кумагчитал бакъа, жул вивусса давуртту хъинну хIаллих най дур.

- **Нюжмар чак бан мизит буцIайрив?**
- БуцIай, шаннагу этажрайн бияннин, мукъулчинмур этажрай давуртту къуртал хъуну дакъар, хIаятравугу 10-15 бартбису бутан багъай.

- **Тагъар кIул хъуншиврул, аьркинни бусан мизитраву буллалисса въяза-насихIатирттая.**

- ХъунмурчIин ттул въязарду багълагъиссар шариаьтрал къанунная бусласисса. Буссар въязарду ваххабизмалия бусласисса, экстремизмалия. ЧIявусса бусара тасаввуфрая, суфизмалия. Махъва-махъссаваъзабуссия, масала, чарабакъа нюжмар чаклил хъирив ахттайн чак бан аьркиншиврия.

- **Мизитраву буссарив тивтIуну мадраса, мактаб?**
- ЖучIа буссар Къуръан лахъхъаврил курсру, яла цичлав

лахъхъин къабару. Каши дакъар. Ччай буру мукъулчинмур этажрай мадраса тIитIин, шайх Жамалуттиннул цIанийсса, амма мунийнсса каши дакъар.

- **Ина ци чара сайтраву зул мизитравусса въязалийсса цаппара инсантурайн нааьна дуллалаврийн?**

- Му чулухунай на уруглай ура гава хъхъичIва провокациярду дуллай бивкIисса куццух. ЦучIав хIакъину урувчуну акъар мукунсса иширттая. ЖучIа бакъар чул бищунсса кIану провокатортурая. Так жула халкъуннал аькъулийну ва питнарду къадуллалаврийну бюхъантIиссар мурахасну бикIан. Мунийну чIалай бур щин-бунугу ччай бушиву нагу, ттуцал зузимийгу оькки бан. На цинявнахъ ва гъарца чIумал тий ура, къюлтI буллай акъара нава мурид ушиву. Ттул уссар устаз, ттухъхъун вирд дуллусса. Гъарца мизитравун бувкIисса инсантурая на жаваб къадулайссар, инсантал личIи-личIийсса бур. Жул мизитраву жу ихтияр къадулару батIлан ягу цукунчIав ххишаласса исламраву дакъасса пропoгaндa дуллан. Жуюту аьркин бакъамур чичлачими ва гъалгъа тIимий, бухъхъича жучIан, ххал бан, кIул хъун.

ХИКАЯТ

Ца аьраб увкIун ИдавсичIангу г увкуну бур: «На Рамазан зуруй зума дугъара, къинилун ххювагу чак бувара, амма муния тиннай ттуца цичIар дуван бюхълай бакъар. Ттул хъус дакъар я хIажлийн гъан я закят булун. Къияматсса къини ттул иш-тагъар цукунссар дикIантIисса?» Идавсил г хъянгу ивкIун увкуна: «Агар ина вила яру кIира задрая буруччирча: хIаранмуних уругаврия ва халкъуннахъ дакI хъунну ялтту уругаврия, дуруччирча вила дакI оьшивруя ва хIусудшивруя, буруччирча вила маз щялмахърая ва гъибатрая (гъибат – махъа гъалгъатIутIаву), ина икIантIиссара ттуцал Алжаннаву».

ИСЛАМ ВА МЯЪРИПАТ

Патимат ХІАМЗАТОВА

Дайдихъу хъхъичми номердай

Тарикъатрал мурад – бусурманчу Аллагъ цаява рязий ансса ххуллийх ачин хларачат буллалавур. Илагъи анта макъсуди ва ризака матлубли (Я Аллагъ, Инара ттул мурад, ва Вил рязившиврух луглагиссара). Вирд цири учирча – истигъфар дурккуну Аллагъанал хъхъичи тавба давури. Идавс г хъун уллай салават дуккавур. Аллагъ кици лаглай зикри бавури. Кюрххилгу хъхъувайгу вирд дуклай бюхъай гъан 15 минут. Ца царссанил ттухъ цуваххуна: «Вища ттун вирд лахъхъин дан къахъунсарив? Ттун шейхначан гъан нач хъанай дур. Ттун ххюцалла шин хъуну дурхха. Цананин чув диркѳра учинссархха». Мукун ттутлаву къатѳайлассар. Цалчин, вирд хлакъсса шейхнаща дакъа, цища дунугу ласун къабучѳиссар. Аллагъанал цими ва хъиншиву мунивури дусса. Киличин, шейхнал жуява оьккину пикри бансар учин къабучѳиссар. Жува цими Аллагънахъру ча тѳисса. Кѳанайнну таваккал дурну бусса. Бусала бур: ца инсан жазиралий (остров) оьрмулухун цувалу ялапар хъанай ивкѳун ур. Га оьрмулул ххюттуршра шин хъунин Аллагънаха эбадат дуллай ивкѳун ур. Ивкѳуну махъ, Аллагъанал ганахъ цуваххуну бур: «Вин ччан бѳикларча, на ина Тула цѳимилѳину Алжаннуну тѳайла укканна, ягу Ттула ххулий бувсса захѳматрайхѳин тѳайла уккавав?» Га инсаннал жаваб дуллуну бур: «На ххюттуршра шинай Вин эбадат дуллай ивкѳра, ттун чѳива ттула захѳматрайхѳин гъан» - куну. «Хъинни» - куну бур ганахъ Аллагъу Тааьлалан. «Ачу ина ци захѳмат буну бурих ххал баннуча. Щѳил буллур вин ххюттуршра шинал лахъшивриѳисса оьрму?»

«Аллагънайн мукѳрумур ягу Иблислуѳин мютѳиймур?»



- «Ина буллунни, ттул Заллѳуй». «Щѳил ляхъан буври, ва лахъисса мутталий ина ахъулссанул учин уллай ивкѳсса мурхъ?» «Ина бунни, ттул Заллѳуй». «Щѳил хъун буври вил чѳарав ина мякъ леххан бан ва иссаву дан дух къалагаѳисса щинал щаращи?» - «Ина бунни, ттул Заллѳуй». «Вакса хѳаллай вил бакѳвагу цѳун къабивкѳссархха, ина азардая щѳил урувччура?» Га инсаннал, бакѳгу хъхъичѳун руртун, лагъну куну бур: «Ина урувччуна, ттул Заллѳуй. На багъишла ити, Вѳила цѳимилѳину

тѳайла укки Алжаннуну». Ци оьрмулул ухъурчагу, инсан, хъхъичѳава бувмуний пашман хъурча, ва хлакъсса ххуллийн зана икларча, му хъунмасса Аллагъанал цѳимири. Чѳявуссанал, жу ттѳигу чак буллалаврийн, зума дугъаврийн, хѳаж баврийн, устазначан гъаврийн, вирд ласаврийн хѳадурну бакъару, учай. Зува буругѳяра, цѳиксса инсантал литѳлай бур гъарца кѳини жула аьрщарай. Гай оьрмулул 20, 30, 40, 50 шинаву бивкѳу къамул бан хѳадурну бивкѳсарив? Гайннан ттуршра шин

ХІАМІС

Дугъияра зѳумѳа,
цѳуллу-сагъшиву
цакъ хъун

диркѳхъурчагу, гайннал Давуд Идавсил и кунма учинссия «На Азраил-малаик учѳаврин хѳадурну акъара». Щѳяйтѳаннун цукунчѳав чѳай бакъар цѳила ххяпурттивун иривсса инсан ита акъин. Жува ганища ххассал бан так ца шейхнащари бюхъайсса.

Вирд давриву яла агъаммур – къакъаритлай гъарца мѳудан давури. Мухѳаммад Идавс г Цала царссанихъ – Аьйшахъ тѳий ивкѳун ур: «Яла Аллагънан ххѳирамур эбадат - чѳирисса духъурчагу гъарца мѳудан дуллалимурди». Идавсичан г гъанминнал Аллагънахасса эбадат мукун дайсса диркѳун дур. Оьрчи тарѳия уллалавриву хъунмур кѳану нѳитѳилли бугъайсса. Оьрчи чѳивину унува суфѳийтал ххѳира буллай хъун арча, шейхначан уцирча, вирд дуклай, истигъфар дуклай, салават, зикри буллай аьдат уварча, хъуна хъувкун га тѳайласса ххуллия къаачинтѳиссар. Ттул оьрчѳан чак бан ххѳора шинаву лавхъхъуссар. Кюрххѳицѳунай ттущѳал архѳал зума дугъан изайссия. Ахтѳайннин зума дугъайссия. Яла цѳува щѳаллуну зума дугълан ивкѳуна. Тѳарикъатрал инсаннал оьрмулуву хъуннасса агъамшиву духъукун, цѳинявннанхъина «Барачатсса элмулурдал ххазина» тѳисса лу букѳирча. Га Шазалий ва Накъшубандий тѳарикъатрал шейх, Чиркѳейѳлиѳисса Саид-Афѳандинал (цѳяту Аллагъ рязий шивуй) чѳивчѳуссар.

(Гѳухунмаѳу буссар)

Таржума Гъумаюннѳул

ИСЛАМ ВА ЭЛМУ

Ци тѳий бур медицина зума дугъаврия

Махъсса шиннардий инсанталчѳявунуаьркинбуллай бур ккаши, цѳуллу-сагъшиву цѳакъ дан. Ккашил хъанай, хъин дайсса дур чѳярусса азарду. Му иш бѳувчѳин буллай бур укун: лахъисса хѳаллай дукра къаканай, инсан ккашил хъанан ивкѳукун, хханхха бѳѳа лагаѳисса бур дукра ѳялийн дуллалаврия, ѳякълуву ливчѳисса шлак буккан байсса бур, чурххал гуж так азар хъин даврийн тѳайла байсса бур. Ккашиѳну инсантал хъин буллѳисса методѳкарттугу ѳяхан дурну дур. Амма, вамур чулуха хъунмасса хѳаллай ккаши бухѳаву, чурххан захѳматсса ишри, чурххай зулму буллалаву хъанахъисса. Чѳявуссаннаща къашайссар ккаши бухѳан. Дуссар азарду, мѳий хъин даннин, ккашил хъанан къабучѳисса. Лѳичѳи-лѳичѳийсса минераллу, витаминну, аминокѳлотарду дуссар дукралуву. Ккашил

хъанай, мѳий чурххан дѳял хъанан къадиркѳукун азарду ча хъинхъуви, цѳаймигу ялун дѳучѳанссар. Ххюттѳуву къурчѳишиву чѳяру хъанан дѳѳайссар, тѳѳиликѳи зѳя дуллай. Хъунмасса хѳаллай ккаши бѳувхѳисса инсаннал оь хъѳуму шайссар, бурчѳуй чѳирисса ххарци хъурчагу оь бацѳан бан къахъанай бѳѳайссар. Масала, ракрал къашавайсса инсаннал ккаши бухѳан бувагу къабучѳиссар, цѳанчѳирча, сагъсса клеткартту заэв хъанан диркѳукун, ракрал клеткарду чѳяру хъанан дѳѳайсса дур. Агарда цѳѳухѳирча, бѳучѳиссарив ккаши бухѳан, амма мунивусса заралуннища урувччуну икѳан? Жаваб дур – бусурманнал дугъайсса зума. Мухѳаммад Идавсил г хѳадис бур: «Зума дугъияра – мунил зул цѳуллушиву цѳакъ дантѳиссар». Бусурман бакъамий му иширайн вѳихну къабивкѳун



бунугу, хъѳирив лавну кѳул бѳувну бур, бусурманнал зума дугъавриву бушиву кѳивагу хъинмур: дукра къаканай чурхгу бѳѳа лаглай бур, яла дукра дуркѳукун чурххан дагъаймургу дукралѳуцѳал най дур. Зума дугълагъисса бусурманчѳувнал агъаммур мурад хъанай бур бурѳучѳаву

Аллагъу Тааьлалан цѳайва бѳѳвхъусса бурж. Гъарцѳаннал кѳулссар, Аллагъанал инсаннай къабѳишнѳишиву биттур бан къашаймур. Зума дургъусса чѳумал, дукра къадуркуну инсан лѳичѳлай ур 12-16 сѳятрай. Цѳалчин дукралѳува аьркинмур цѳулпѳи учайссар ххюттѳувун


3-нна ягу 5-ра сѳятрай мутталий, мугу сухѳурданѳий дуркѳусса дукралѳу бурѳугун (сухѳур – Рамазан зуруй кюрххѳицѳунай дукра дѳукаву). Киличингу, лахъи ххюттѳува дукра ѳялѳиллай, цѳиняв базурду аьркинмунил дѳузал буллай бур, азардугу хъин хъанай дур. Бусурманчѳувнал, кюрххѳицѳунай дакъасса, ялагу хъхъувай баргъ гъаннин дукраканай, ккашилнѳувкѳисса чѳун лахъи лаглай дакъар. Ялагу учин, ккаши бухѳаврил хъин уллай ур инсан азар ялун ѳирчуну махъ. Рамазан зуруй зума дугъѳу бусурманчѳувнай ялѳвссар гъарца шинах. Муниѳу зума дугъаву хъанай дур бусурманчѳувнал профѳѳилѳикѳану азарунниѳа. Фарѳзѳасса зума дакъасса, бусурманчѳувнал бѳучѳиссар, та духъурчагу, зума дугъан. Масала, Раджаб зуруй, Шаьбан зуруй, гъарца нѳужмарданѳий итѳни кѳини ва хамис кѳини. Вай чѳуннай дургъусса зума Къѳияматсса Къѳинигу хъинну хъуммасса чѳирину ѳякъинтѳиссар.

КАЛЕНДАРЬ

Бараатрал хъхъу

Бараатрал хъхъунил ххирашиву

Шяъван зурул ацния шамулку хъхъуну, Жабраил малаик и ливкссар Мухаммадлучан г, Аллагнал амрулийну, шанутугу изан увну. «Гьархъхъуну ххирасса хъхъур, вилва мурад чла уча Аллагнахъ», - увкуссар. Яла Мухаммад г ивзун дуаь дурссар, умматиннал аьпа ба куну. Яла Аллагу Тааьланал Жабраил и гьан увссар: «Вил умматиннал шанма бутлул ца бутла вин уква буллуссар», - куну. Мухаммад г аьтлун ивкиссар, - «Махъминнан ци бувссар» тий. Мунил хъиривмур ацния мукълчинмур хъхъунугу ливккун Жабраиллун и увкуссар Идавсиз г, - «Гьархъхъунугу ххирасса хъхъур дуаьлухъхъун жаваб дулайсса. Ивзун вилва мурад чла уча Аллагнахъ», - куну. Ивзун Мухаммад г дуаь дурну, му хъхъунугу цалва уммат чла куссар. Ялагу ливккун Жабраиллун и, - «Вилба умматиннал шанма бутлул кива вин уква буллуссар тий ур вилва Аллагъ», - куссар. Мухаммад г аьтлун ивкиссар ялагу, махъминнан цивхъуссар тий. Мунил хъиривмур ацния ххю куска Бараатрал хъхъунугу ливккун Жабраил и, - «Мухаммад, ххирасса хъхъури, вилва мурад чла уча», куссар. Му хъхъунугу Аллагнал гьан увну Жабраиллун и увкуссар, - «Я Мухаммад, ххаришиву, вилва циняв уммат винма уква буллунни Аллагнал, цайн ширк бивхъума акъасса», - куну. Яла Мухаммад г ссавруннайн урувгун,



арулвагу ссавнил хъулурду тивтлуну, ссавруннайсса циняв малаиктал суждалийн багъну ххал хъуссар, Мухаммадлун г умматиннал аьпа ба тий. Гьарца арулвагу хъулийгу малаиктал ккавкссар, гьархъхъуну эбадат дурманансса хъинбаларду даражарду, чирирду тий оьвтий. Яла Идавсиз г ххари хъуну, муниар махъ гьарца шинал му хъхъу уттара дулла ивкиссар.

Бараатрал хъхъуну Ясинналул хъирир дуккайсса дуаь

بِسْمِ اللَّهِ الرَّحْمَنِ الرَّحِيمِ
 اللَّهُمَّ يَا ذَا الْمَنِّ وَلَا يَمُنُّ عَلَيْهِ إِلَّا ذَا الْجَلَالِ وَالْإِكْرَامِ يَا ذَا الطَّوْلِ
 وَالْإِنْعَامِ لَا إِلَهَ إِلَّا أَنْتَ ظَهَرَ اللَّاحِظِينَ وَجَارَ الْمُسْتَجِرِينَ وَأَمَانَ
 الْحَافِينَ. اللَّهُمَّ إِنْ كُنْتَ كَتَبْتَنِي (كَتَبْتَنِي) عِنْدَكَ فِي أَمِّ الْكِتَابِ شَقِيًّا
 (أَشَقِيًّا) أَوْ مَحْرُومًا (مَحْرُومِينَ) أَوْ مَطْرُودًا (مَطْرُودِينَ) أَوْ مُفْتَرًّا عَلَيَّ
 (عَلَيَّ) فِي الرَّزْقِ فَامْحُ. اللَّهُمَّ بِفَضْلِكَ شَفَاوَتِي (شَفَاوَتَنَا) وَحَرَمَانِي
 (حَرَمَانَنَا) وَطَرْدِي (طَرْدَنَا) وَإِقْتَارَ رِزْقِي (رِزْقَنَا) وَأَثْبِتْنِي (وَأَثْبِتْنَا)
 عِنْدَكَ فِي أَمِّ الْكِتَابِ سَعِدًا (سَعْدَاءً) مَرْزُوقًا (مَرْزُوقِينَ) مُوقَفًا (مُوقَفِينَ)
 لِلْخَيْرَاتِ فَإِنَّكَ قَلْتَ وَقَوْلِكَ الْحَقُّ فِي كِتَابِكَ الْمُنَزَّلِ عَلَى لِسَانِ نَبِيِّكَ
 الْمُرْسَلِ يَمْحُو اللَّهُ مَا يَشَاءُ وَيُثَبِّتُ وَعِنْدَهُ أُمُّ الْكِتَابِ إِلَهَ (إِلَهِنَا)
 بِالْتَّجَلِيِّ الْأَعْظَمِ فِي لَيْلَةِ النَّصْفِ مِنْ شَعْبَانَ الْمُكْرَمِ الَّتِي يُفَرِّقُ فِيهَا كُلَّ
 أَمْرٍ حَكِيمٍ وَيُبْرِئُ أَنْ تَكْشِفَ عَنِّي (عَنَّا) مِنَ الْبَلَاءِ مَا أَعْلَمُ (نَعْلَمُ) وَمَا
 لَا أَعْلَمُ (نَعْلَمُ) وَمَا أَنْتَ بِهِ أَعْلَمُ إِنَّكَ أَنْتَ الْأَعَزُّ الْأَكْرَمُ. وَصَلَّى اللَّهُ
 عَلَى سَيِّدِنَا مُحَمَّدٍ وَآلِهِ وَصَحْبِهِ وَسَلَّمَ

Транскрипция

Бисмиллагъи-р-рахлмани-р-рахлим

Аллагъумма я заль-манни ва ля юманну аьлайги, я заль-жалали валь-икрами, я за-тлглави валь-инъаьми ля илагъа илля анта загъра-ллажжина ва жарал мустажирина ва аманаль-хаифина. Аллагъумма ин кунта кататани эндака фи уммил-китаби шакъийян, ав махлурман, ав матлрудан, ав мукътарран аьлайя фи-р-ризкьи фамхлу Аллагъумма бифадзлика шакъаватий, ва ххирманий, ва тлардий, ва икьтара ризкый, ва асбитний эндака фи уммил-китаби саздан, марзукъан, муваффакаьн лилхайрати, фаиннака кьулта ва кьавлукаль-хлакъу фи китабикаль-мунзали аьла лисани набиййикаль мурсали: «ЯмхлуЛлагъу ма яшау, ва юсбиту, ва эндагъу уммуль-китаб(и)». Илагъий биттажаллийль аьзами фи лайлати-ннисфи мин шаьбаниль-мукаррами ллатий юфракьу фигъа куллу амрин хлаким, ва юбраму ан такшифа аьнни миналь балаи ма аьламу, ва ма ла аьламу, ва ма анта бигъи аьламу, иннака анталь-аьззуль-акраму. Ва саллаЛагъу аьла саййидина Мухаммадин ва алигъи ва сахлбигъи ва саллам.

Аллагнал цания, цими бусса ва дунияллий цинявнай ва цими бусса та дунияллий так муьминтурай.

Я Аллагъ, я цими бума, щилчлав цимилия хас кьахъанахъима, я бюхттулшиврул ва лавайшиврул Заллуи, я барачатрал Заллуи. Зал ца ина акъа акъассар, эбадат дуллан аьркинсса. Ина кумаг бара Вихъва члатиманан, мурахас ара Вихъва уручча тима, нигъачлаву ялун дирма Вийну мурахас шай, Ина ура мурахасшиву дайма, муничлан наниная. Агарда Вил чичрулуву на аьйкъуману ухъурча, дакъа ливчману, арх увману, пакъирману, мискинману, я Аллагъ, Ина леххан дува чичру на аьйкъуману, дакъаману, арх увману мискинману усса ва чича на тлайламиннавухсса цану, хъинмаларду тивтлуну ва ххуйсса давуртту дуллалиману Инава рязийсса. Ина увкуссар Вил луттираву, Мухаммад Идавсил мазрай ликкан бувсса, ва Вил махъру хлакъссар: «Аллагнал лиххан дайссар чичру, лиххан дан ччисса, мукунна дайссар чичру цанна ччисса, ва Аллагначлари Лавхлуль Махлфуз». Я Аллагъ, Вил яла хъунмур цими члалчи бан шяъван хъхъунул дяризулуву, арх а на балардая, ттун клулсса ва къаклулсса. Ина Хъунамагу, Бюхттулмагу ура. Аллагнал чулухасса бюхттулшиву ва хъинмур жула хъунаманайн Мухаммадлуи ва ганал умматрайн ва ганал хъирив наниминнан.

ХИРАМИС

ОАДЕН

дургъуманан зума
итаракълакьини
дуссар къамул
къадурну
къаритайсса дуаь

Бараатрал хъхъуну дуван хъинмур

Му хъхъуну гьарца ссавнил хъулурду титлайссар, шантуршва рахлматрал хъулу титлайссар, Алжанну чюлу байссар. Малаиктурал байранни.

Му хъхъуну Аллагу Тааьала лувра лувсса ссавнийн ливккун, халкъуннайн аьлтту увккун, сси бизаврил, гуж баврил сипатрая, рязий шаврил, рахлму баврил ссипатрайн аххана хъуну халкъуннай рахлму бувну, рахлат бувну, цинявнал аьпа байссар. Цайна ширк бивхъуманалгу, ссихлри байманалгу, чяхир хлаклайманалгу, зунарахун агьманалгу, нитти-буттан аькьуба дулайманалгу, риба ласайманалгу, ламмамшиву дайманалгу, силатул рахлму (мачча-гьанминнащал дакъаву) бакъаманалгу бакъасса. Минналссарив, тавба къадурну аьпа къабайссар. Му хъхъуну, гьарцаннал му шинаву бувсса аьмал ссаврунайн лахъайссар. Гьарцаннал ризкьи, ажаллу къадар байссар. Заннан ччан бивкманалсса кунналсса ажаллу махъун буттун, кунналсса хъхъичлун буккан бувну насху байссар. Му хъхъугу уттара дурну, му кьинигу зума дугъаврил даража хъунмассар, хлатта, му кьини гьарца жиндардил, лелуххалтрал, урттилсриннул, хъхъиривусса хлаврал зума дугъайссар.

Му хъхъуну ацния клира ракааьт чаклил дарча, гьарца ракааьтрай аьхлам буккуну махъ ацния цалва кьулгъугу буклай, мунал гьарца оьшивугу яла гьан дайссар, оьрмугу зияда байссар. Ялагу му хъхъуну бан хъинсса зад - ца мажлисрай щя бивклун шамийлва «Ясин» буккинссар. Му буккутари, мунил хъиривалхангубуккуну, ссалаватгу дуртун, му хъхъуну дуккайсса дуаьгу дуккинссар. Му хъхъуну шам шамийлва ми буккуну, шамилла му дуаьгу дуккинссар. Хъхъичла - хъхъичи ми буккайний дин - тлааьт дайсса оьрму зияда баннав куну нийят данссар. Килчин буккайний, ризкьи гьарта баннав куну данссар. Шамилчин буккайний, къаччисса зад арх баннав, инсантурайн хлажат къааннав куну данссар. Мий буккайний гьарца чумал цалла дуаьлухъхъун жаваб дулунссар тисса заннугу (дак-дацлаву) зияда банссар.

ШАРИАТ

Мукъилчинмур хъун бунагъ

Мукъилчинмур хъун бунагъ - цаманай бакъасса зуна бишавури, адамина иклу, щарсса диклу. Му цаманай зуна бивхъусса адаминаща, га цай зуна бивхъусса адаминал зуна бувшиву мукъа баранайну исват бан къахъурча, мунайх хлад бищунтиссар мийцалва щяпа, щар дусса адамина, я щар хъусса щарсса духъурча. Къадурцусса, къащар хъусса бухъурча, тяъзир банссар цанма лавхъусса дуснакъ увну, иттах бищу бувну.



Шариатрал хукму

Цаманай бакъасса зуна бивхъуманай хлад ялув хъуншиврул дуссар шартлу: 1)Мукун тиманан мукун учин хларамшиву клуну биклаву. Къакулуну увкухъурча, таъзир банссар. 2)Цалла ихтирданийну увкуну биклаву. Цаманал гуж бувну учин арча, цичлав бакъассар. 3)Мукун учин изну бакъасса иклаву. Изну бусса ухъурчан, имам куна, къази куна, цичлав бакъассар. 4)Ганан гъансса къаиклаву. Агар буттал, ниттил, хъуна буттал, хъунна бабал учирча, таъзир банссар. Цай зуна ялув бивхъума иклан аьркинссар бусурманчувсса, балугърайн ивсса, аькьлу бусса, лагъ акъасса, зуна къабувсса.

Зуна ялув бишаву диклайссар тлайланмасса махъ увкуну, ягу ишаралийну. Тлайланмасса махъгу хисавссар масала: ина зуна бувни, я зуначи, я ливатичи (ливатичи – адамина адаминнащал зуна баву), я къахъибай, ва миннуха лавхъусса цамур маъна диклан къабюхъайсса тлайланмасса маъна дусса махъру. Му члумал щак бакъа зуна ялув бишаврин хисавссар, ва му махъ увкусса инсаннай хлад бищун ялув шайссар майцалва щяпа. Ишарану хъанахъиссар, цамургу маъна диклан бюхъайсса махъру. Масала: я бунагъчи, я фасикъ, вин цланшиву ххирар, ина вичлан клунклу дурсса ка махъуннай къадара, ва м.ц. Агар мукунсса махъ увкусса инсан на зуна бишлайсса мяъналий къаучав тлий ацларча, хъа буллали анссар. Хъа бангу увну таъзир банссар, зуна ялув къабивхъунугу, дакнивул къутинсса махъ увкуну тлий. Мугу оьбан, цлун бан увкухъурча. Хъярчирай учирча, таъзир бакъассар.

Агар, цаннал цаманан къаччан бикансса махъ учирча, осуг дурну, ягу оьккисса махъ куну, цаманангу шариатрайн бувну ихтияр дуссар махъунмай махъ учин, цалчинманал цимил увкури, мийкссава. Цалчинманал зуна ялув бивхъусса махъ учирча, ягу бакъасса зад учирча, ягу буттайх, ниттих куну осуг дарча, махъунмай мукунсса махъ учин къабучиссар. Махъунмай бучиссар зуна ялув бакъасса, мийжанну бусса зад учин, масала, я ахмакъ, я залим. Вай махъру учин бучиссар мийжансса буну тлий. Цан чирчан, мийжанну гукунсса махъру ахмакъсса инсаннали учайсса, ва гукунсса махъру кусса инсан мийжаннугу зулму буллалиссар.

ТАЛИХИ

Инсан - алши бусса ва бакъасса

Аллагъу Тааьланал ляхъан бувсса инсантал диндалул хлакъираву шамма куццуйсса буссар. Ку, Лавхлул Махлфузравува алши буну алжаннухлу ляхъан бувсса, тачлав алши бакъанугу къахъунтисса, ахирданийгу имандалий литлунтисса. Му абадлийсса сааьдатри (талихри). **Разакъаналлагъ** (Аллагънал жун булуннав). Ку, алши бакъа дуржагърахлуну ляхъан бувсса, тачлав алши бунугу къахъунтисса, ахирданийгу чапурну, аьсивну литлунтисса. Му, абадлийсса алши бакъашивур. **Аьъзан Аллагъ** (Аллагънал буруччиннав). Мугу, Аллагъу Тааьланал миннаву Цанна клулсса элму-хикматрахлунур. Миннахъ ци бусларчагу зад бувчин бан къахъунтиссар. Ци булларчагу клура баен бангу къахъунтиссар. Дуржагърал агълур.

Кугу, алши бушивугу бакъашивугу клирагу дусса буссар. Мигу тавбагу дурну хъиншивуртту чйру хъурча, алши буну шайссар. Оьшивуртту чйру хъурча, алши бакъашиврийн клура баяйссар. Клирайрагу барабарну духъурчагу, му члумалгу Аллагънайн умуд бур алши бушиврийн клура баенссар тлий. Масала: Инсаннал чурх мукърагу аьнасирдания (элементирдая) цачлун бувсар; аьрщараягу, щинаягу, цараягу, мурчаягу. Ми

мукъунниллагу тлабиаьт дуссар инсаннаву. Аьрщаралгу щиналгу алши бушиву загъир дуллалиссар мунаву, миннийну лухччиний уртту ххяххайсса кунна инсаннал дакнивугу иман, элму, тавазуь зияда дуллау. Цларалгу мурчалгу ми ччуччин дуллау, гъалак дуллау алши бакъашиву загъир дуллалиссар.

Амма, Аллагъу Тааьланал Лавхлул-Махлфузраву инсан алши буну, имандалий муьминчувну иклан ляхъан увну, иман дирхъуну умагу, яла муртад хъуну алши бакъанугу шайссар. **Наоьзу биллагъ** (Аллагъналбуруччиннав). Алши бакъа ляхъан увну, чапурну унува, яла иман дирхъуну алши бушиврийн клура аяйссар.

Хласил, инсаннал муьминшивугу, чапуршивугу, алши бушивугу, алши бакъашивугу ахирданий ивчлан нанисса махъра-махъсса сьятравур ххал дигъайсса. Масала: Инсаннал лахъисса хлаллай алши бушиврий Аллагънайн имангу дирхъуну, Мунайн мюттийну, марцину эбадат дуллау, тлайланугу ивклун, ахирданий ца зад савав хъуну, алши бакъашиврийн клура авну, шагъадатгу хъама риртун, чапурну, аьсивнугу ивчлайссар. **МааьзАллагъ** (Аллагънал буруччиннав). Ягу лахъисса хлаллай алши бакъа чапурну аьсивну ивклун, ахирданий Аллагъу

ХИРАМИС

Гъарца задрал дуссар цила закят, чурхалмур закят - зума дугъавури

Бивклу имандалийну щаллу хъуншиврулсса саабру

- Чаклийн исласини дуккайсса дуаьрду дуккаву.
- Къюлтлну щинчлав къаккакканну садакъа булаву.
- Къинилун къува инсаннахъхъун ссалам булаву.
- Ятинтуран дукра дулаву.
- Къинилун шамийлава Аллагънахъ Алжан чла учаву.
- Дяркъу дусса хъхъуну тамамну, камилну чаклийн иссаву.


Тааьланан ччан бивклун, ягу мунаву цамур ца ххуйсса аьмал бивклун, му савав хъуну алши бушиврийн клура авну шагъадатгу дуртун имандалий ивчлайссар.

КЪУРЪАНДАЛУ КАРАМАТШИВУ

Ва иш циванни укун бусса тлий, пиякъ учича Иман дакъамий

Къуръанналуву сурарду чичаврия тлурча, хъхъичмий сурарду бур лахъисса, Мадиналий ливксса. Луттирал махъ чивчумий, кутласса бур, Маккалий ливксса. Ца-ца члумал ва низам даххана хъанай дур. Амма, Къуръанналуву хатлалий чивчусса цичлав бакъассар. Сурардая диаграмма дурну ккакканну. Ца чулхунмай (ось иксов) чичинну сурардал номерду 1-чинмуния 114-чинмуниннин бияннин. Чичинну урчлаха куяхунмай, аьраб маз кунма. Лараймур чулхуннай (ось игреков) чичинну аятру 1-чинмуния 286-чинмуниннин бияннин (286 аят бур яла хъунмур суралуву). Диаграммалий лякынну сурардал номер ва ми сурардаву дусса аятирдал аьдад хъунадакълакьисса точкарду. Масала: Цалчинмур сура «Аль-Фатихла» луву бур 7 аят. Дихъинну точка ось иксовлийсса цифра 1-гу, ось игриковлийсса цифра 7 хъуна бакълакьисса кланай. Килчинмур сура «Аль-Бакъара» луву бур 286 аят. Дихъинну точка ось иксовлийсса цифра 2 ва ось игриковлийсса цифра 286 хъуна бакълакьисса кланай. Ва мукунма цаймигу. Мукун ляркъуну дур чйрусса точкарду. Вай цукун дунугу хъусса точкарду дакъар. Мий точкарду куннил ку хъирич цачлун дарча, буккин бюхълай бур «Аллагъ» тлисса махъ. Ва иш циванни укун бусса тлий, пиякъ учича Иман дакъамий.

Аллагъу Тааьланал буруччиннав чапуршивру! Амин!



ИХИСАН

Гъази-Гъумучатусса шейх Джамалуттиннул

"Адабул марзия"

Килчинмур бутла – нафс лайкъ дакъасса хасиятирттая марці даврия, ва чюлу баврия ххуйсса сипатирттайну



аькубасса оьккисса хасиятру вайри:

Къаччан биклаву – му дакнивусса инсаннайсса ссир. Га хъин бан шиврул – клулну иклан аьркини къаччан биклаврия цанма зарал бушиву, хъьугу кьинигу сситтул царал цув аькува аьзавраву иклайну тий. Ялагу га инсанная ххуйсса бакъа пикри къабаву.

Хлусудшиву – му цинярда хъус цанна ччишивур, ва цайминначлату дакъа хъуну ччан биклаву. Му хъин даву – хлусудрая инсаннан хайр

бакъашиву, ва цайминнан зарал бакъашиву клулну иклаврийнур. Му бакъассагу хлусуд дусса инсаннал дакниву пашманшиву, дак гъагъаву чан къашайссар.

Сси – гужсса дакнил гъалакшивури, кьисас ласун ччисса. Га хъин баву мури – клулну иклаву, сси бушиву цараци дак зия дуллалисса ва Аллагънал яла оьккими лагъартуннаву дакъа къадиклайсса, инсан члавуну хласратравун, къумашиверун утлатисса, ва Аллагънал

Раджаб Аллаев
барзри, Шяъбан
ттул барзри,
Рамазан ттул
умматиннал
барзри

ххуллия уклакаврийн, аьйкъаврийн уцлацисса.

Оьжбу, пахру – му инсаннан цана цува цайминная лавайману, хъунаману члалачавур. Му хъин дувайссар цалла кьюркъусса нафс клул даврийну, цацлара оьккисса хасиятру душиву клулну иклаврийну, цабура диял дакъашивуртту душиву клулну иклаврийну, цайми инсантал гьарца чулуха царява лавайсса бушиву дак дацан даврийну.

(Гихунмайгу буссар)

Рижалул гъаибин

Рижалул гъаибтал тлссса, Мухаммадлул г умматраятусса, Аллагънал ххира бувсса цаппара халкъ буссар, асхлбтурал хъирив. Валийтурал яла хъуними, хъинми мири. Дунияллул рукнурду мири. Дин исламрал нурданул ттарцрду дацан дурми мири. Циняв муьминтурал равханийсса файз, нусрат, кумаг тлалав дуллалисса миннаатури. Тасарруфрал (каялушиврул) агълу мири. Минналли, Аллагънал изнулийну, Аллагънал къазаъ, къадарданух, Лавхлул Махлфузрах бурувгун, аьламрал амрурдаву тасарруфшиву (каялушиву) дуллалисса. Ми васитллийнур (васитла – дянивчи) Аллагъу Тааьланал халкъ ляхъан буллай литлун буллалисса. Миннайнури гьарал лачайсса, уртту ххяххайсса, хъу шайсса, аьламрал низам дацайсса, хлатта, лухччи дарцусса. Хлатта, ми гьарца члумал, гьарца кланттаву хладурна биклайссар, инсан цуванусса кланттаву, ца захлматсса иширавун бала-мусийватравун агъну, леххаву чинсса цучлав инсан акъа, махлрумну ливчисса члумал, миннайн леххаву чирча, леххаврий бувккун, му ххассал айссар. Мукумма, цалла зад дакъа хъуну къалякхайсса члумал, ягу хлайван ливхъун бугъан къашайсса члумал, миннайн леххаву чирча, ми кумагран буккайссар, жунма ххал къахурчагу. Утти, минналгу арулла синф (журарду) дуссар. Миннаву яла ххирама, хъунма, хъхичла хъхичлма къутлбул гъавсри. Авлиятурал имамгу мури. Яла клия «Имамани» тлсссагу буссар. Мукъа автадал тлсссагу буссар, арула будалаьтал тлсссагу буссар. Ацния клия рукъабьтал тлсссагу буссар. Мукъцала нужабьтал тлсссагу буссар. Шанттуршлий ряхцлаллий ряха



нукъабьтал тлсссагу буссар. Кунналгу тий бур: ца къутлбу, мукъа автад, арула будалаь, мукъцаланукъабь, шанттурша нужабьри бусса тий. Кунналгу тий бур: хулафаьтал, ахияртал, афрадтал, уманаьтал тлсссагу буссар тий. Утти, ми бакъа, минная халийну замана къаличлайссар. Ца ивклукун мунал кланай цама ацан айссар. Къутлбул гъавс ивклукун мунал кланай мукъагу автадурал ца яла хъинма ацан айссар. Автадтурая ивклукун, будалаьтурал ца яла хъинма ацан айссар. Будалаьтурая ивклукун, нукъабьтурал ца яла хъинма ацан айссар. Нукъабьтурая ивклукун, нужабьтурал ца яла хъинма

ацан айссар. Нужабьтурая ивклукун цайми салихисса оьббадтурал ца ацан айссар. Къияматсса Къини дизан ччан бивклукуннив циняв литлун бантлссар. Къутлбул гъавс ца кланай къарар шавугу дакъассар. Ку члумал Яманнаву, ку члумал Шамлив, ку члумал Машрикьрай, ку члумал Магърибрай иклайссар. Мукъагу автадгу, ца шамлив, ца яманнаву, ца машрикьрай, ца магърибрай биклайссар. Будалаьтал шамлий биклайссар. Нукъабьтал Хорасаннай биклайссар. Нужабьтал ку Мисрилий, ку Шамлив биклайссар.

(Гихунмайгу буссар)

СУФИЙТУРАЛ БУСАЛАРДУ

Фатхлу Мусилинахъ цлувххуну бивкиссар: «Аллагъначлансса гъаншиву цукунссар?» - куну. Фатхлул лирклуно цалла ка цлара-вунгу, дурккун гива ятлул ларгсса махгу, дирхъуну цалла канийгу, «Ванинни учайсса Аллагъначлансса гъаншиву», - куну жаваб дуллуну дур.

* * *

Аллагъначлангу ивсса ца валинал уссия оьрчл. Хлажлийн ачин хладур хъанан члун хъувкун, оьрчлал цлувххуну бивкун бур буттахъ: «Ина чун най ура?» - куну. «Аллагънал къатлчлан», - куну бур жавабран. Чиви оьрчлан пикри хъуну бур, Аллагънал къатта ккавкманан га къатлул заллусса Аллагъу ккаккайхъунссар тий. «Буттай, нагувицалациванкъауцара?» «Вин къабучиссар». Оьрчл аьтлун иклайхтту, увцуну ур гагу цащала. Мийкъатрайн бияйхтту, ларххуну кланналагу ихрамру, лаббайкгу тий бувххуну бур Макка-хларамравун. Каьба ккаккайхтту чиви оьрчл хлайрану авцлунугу ивкун, агъну шяв, ивкуну къуртал хъуну ур. Цивхъуссарив къабучлусса бутта: «Я ттул арс, я ттул касак», - тлун ивкун ур. Каьбалул чулуха ганан бавну бур ца члу: «Ина Аллагънал къатлул луглай ивкунна, льявкъуссар вин къатта. Мури, къатлул Залуннах луглай ия, ва льявкъунни мунал къатлул Заллугу». Гайннал яруннил хъхичл га оьрчл ссавнийн гъаз хъуна. Яла га члунил увкуна: «Гъаттаву ванан клану бакъассар, я аьрцарай бакъассар, я алжаннуву бакъассар. Ванал клану цимурцанний къудрат дусса Аллагъначлари».

Силсила дуккаврил ххирашиву ва мунил пайда

Абу Саид Мухаммад Хадимил увкунин бувну, - «Щил дувккурив машаихтурал силсила хатмуллул хъирив, усттазнал зикри талкъин буллаллини, зикри буллаллини, вирд къуртал дурну махъ, мунал хласул хъунтлссар макъамирттайн гъаз шаву ва кашфурду загьир шаву. Хаснува зикрилуху, вирдирдаху

машгул хъуминнал дуккинссар рувхланийшиву ялун личлачисса члумал. Мукунна силсила дуккайссар баклрал буруккин яла гъан баншиврул, мурадрийн ияву бигъа хъун шиврул, цув мухтаж хъанайсса зад хласул хъуншиврул, къашайма хъин уваншиврул. Чирчуну цацалла диклаву барачатссар.

СУАЛ — ЖАВАБ

Зумма цѳуххин ччисса, Исламрацун, шариаетрацун, кулпатрал багъу – бизулуцун бавхусса ва м.ц. суаллу гъан бан бюхъайссар, SMS – райхчин ва номерданийн: 8-988-699-46-79

Лакрал мадраса



Хѳурмат лавайсса уссурвал ва ссурвал! Хѳакъинусса къини диндалул мискиншиврувату букканшиврул жунма лахъхъин багълай бур тѳайласса Исламрал гъанурду, Исламрал элмурду, бачин багълай бур буттал буттахъая шинмай нанисса хѳакъсса Исламрал диндалул ххуллийх, жулва жагъилсса оърчѳру бѳайкъусса экстремизмалул ва вагъгабизмалул ххуллийх къагъаншиврул. Ахъламдуллилагъ, хъунасса Аллагънал цѳимилийну, ва Дагъусттаннал мусульмантурал динналул Идаралул хѳарачатрайну, Махѳачкъалалив тѳивтѳунни лакрал мадраса, цѳайх Мухѳаммад-Аьрифлул цѳанийсса, Дагъусттаннал Исламрал Университетрал филиал. Миву кѳива курс бувккуну махъ бюхълай бур буххан светский институтравунгу – институт Теологии и Международных отношений.

Миву бур факультету: теология, дуняллул экономика, лингвистика, филология, ва мукума цѳаймигу. Му институт бувккуну махъ ласлай бур кѳива диплом: исламскийгу, светскийгу. Мадрасалуву дур хъинну ххуйну я хъанансса тагъар: украсса дуккаву, исламскийгу светскийгу, уквасса общежитие, украсса дукра дукаву шаннагу чѳумухсса.

Хѳурмат бусса лакрал жамят! Жува яхъанай буру цѳана хъинну захѳиматсса чѳумуву. Чѳявумий халкъ бур хъуслил хъирив хъап-шап тѳий най, Аллагъ хъама ивтун. Хъинну чѳарусса арцу дуллай оърчѳру дуклан бакълай бур институтирттавун. Экзамену, зачетру, диплому машин ласлай бур. Дурккуну махъ, даврий бацѳан бангу арцурду дуллак багълай бур. Амма миннавату хъинну чансса буклай бур за кѳулсса, цалва пиша кѳулсса специалистътал. Ялув кѳицѳ лавгсса куцѳийсса, уквасса, дуккин бюхъайсса кѳанттурду бунува, нитти-буттал цалва оърчѳру дуккин буллай бур багълух, цѳайминнал оърчѳаар махъун къабагъаншиврул. Жу дакѳинхтуну миннат буллай буру, гъан буvara зула оърчѳру дуклан жул рувхѳанийсса мадрасалувун. Муниву буссар хъунмасса мюпат мий оърчѳангу, зунма нитти-буттангу, лагма-ялттунангу. Жула Идавсил * куссар: «Элмулух луглан буржри цѳияв мусульмантуран», - куну. Ва хѳадисраву кѳицѳ лавгсса «элму» тѳисса мукъул цивунна жям дуллалиссар Исламрал, шариаетрал элмурду, цѳийхчин Аллагъу Тааьла кѳул ан бюхъайсса.

Жул адрес: ш.Махѳачкъала, ул.Добролюбова 16е Тел: 8-928-559-84-96

Хѳирасса «Ассалам» кказитрал редакция! На буккара зул кказит. Ттун хъинну чѳявусса задру лавхъхъунни. Кказит сававну, на чакгу бара, вѳрдгу дара. Аллагънал къамул даннав ин ша Аллагъ. Ттул адаминал чак къабай. На буллайгу, цѳи-цѳи бунугу тѳий, къабитара. На ваххабиска бакъара. Ми цукунсса бѳикѳайссариввагу къакулли. Ина чак буллай, гъарзад къатѳайлану хъанай дур тѳар. Мунил цѳаний жул къатлуву гъар Заннал дуркѳисса къини къалмакъал хъанай дур. На ххарину бура нава Аллагънал ххуллийн тѳайла бавцѳуну тѳий. Амма, царугу къини ттун бѳигъасса дакъар. Ттул ссугу бури вѳрд ларъсса, ппугу ур шѳярвусса мизитрал имам. Ттун бучѳиссарив укунсса инсаннащал я хъун. Барчаллагъ. Зул даража лахъ хъуннав, Аллагънал ка бакъиннав зуцѳун.

8-909-4...2

Шариаетрайн бувну жаваб дулурча, му ишираву царссанихъ ихтияр дур ласная личий хъун. Амма, жуннив вѳихъ тѳайланма личий хъу учин къабучѳир. Личий хъун бѳигъар. Амма, му гъунар бакъар. Жул пѳикрилий ххуйну хъунссия, агар ина вила лас исламрайн учин хѳарачат буварча. Цалчин, чѳа тѳун аьркинни Аллагънахъ вила лас тѳайла ацѳан ува тѳий. Аллагънан къачарчан му зуца тѳайла ацѳан уван къашайссар, цѳи дулларчагу. Мунияту чѳа тѳун аьркинссаир. Аллагънан ччан бѳикѳайттту му бѳигъану учѳантиссар исламравун. Дуссар чѳунну, Аллагънал дуаь къамул дувайсса: «Кѳюрххицѳун чаклинсса азан буккиннин ца ссят лирчѳний, азанналул ва къаматрал дянив, паризасса чаклил хъирив, гъарал лачѳачѳини, четвергал ва пятницѳалул дянивсса хъхъу, зума итадакълакъини, суждалулу, Къурбан байрамрал ва Ураза байрамрал къини.

Кѳийлчин, чѳявусса элмулул луттирдаву чивчуну бур дукралул хъунмасса асар байшиву инсаннал дакѳинин. Цукунсса хѳалданищѳал дурну дурив дукра, мукунасса хѳал ми дукра дуркусса инсаннал дакѳинивунгу бучѳайссар. Хакъинусса къини му иш научный экспериментру дуллай ученыйтуралгу тасттикъ буллай бур. Агар чаклийнгу бивссуну, бѳисмиллягъу куну,

Аллагъу дакѳниву увгъуну, ххуйсса иманналул хѳалданушѳал дулларчан дукра, хѳакъину бѳикѳу гъунтѳий бѳикѳу, мунал дакѳинивун иман дучѳантиссар. Муниятур тѳарикъатравугу чаклин къабивссун дурсса дукра дукан къабучѳисса. Хъаннин чак бан къабучѳисса гъантрай, дукралийн бургангума къабучѳиссар. Мукунасса дукра имандалун загърур. Хѳарамсса арцух ларсусса, ягу цѳирда хѳарамсса дукра арх дува. Букки «Хуласатул адаб» тѳисса лу, гъартану лахъхъинтиссар.

Шамуылчин, хѳарачат бува гъарца чулуха исламрал ххуйшиву ккаккан дуван. Агар вила хасият, тѳабиаьт, даймур, учаймур исламрал тѳимунийн бувну къадулларча, виву исламрал къанкъ цѳайминнан къаришлантѳиссар, ина цѳи бусларчангу цѳайминнал дакѳинивун къабюхлантѳиссар. Ласнан ккаккан бува инава шаппаллил, багъу-бизулул, марцѳивруву, гъарца ишираву цѳайми дин дакъасса хъаннияр хъхъичѳунмайсса бушиву. Буллалисса чак, зума цѳайми задирттахун дахъачинну буллан хѳарачат бува, ласнан дин чунч къаучин. Ва ишираву «Покорная богу...» тѳисса луттирал вин хъинну ххуйну кумаг бантѳиссар. Аллагънал кабакъиннав вин. Жугу вѳиха ва вил ласнаха дуаь дуллану иншаАллагъ.

Ттул лас зуна байсса цѳуриклул, даружарурду буллай, цѳихуха лаган увну, авлия хъусса куна ур. Кулпатрая махъаллил хъуну ур. Цѳи бан бюхъайссар тѳуца мукунасса ишираву? Буссарив циклѳуй чаран? 8-928-8...6

Хъхъичѳумур суалдануви кѳицѳ лавгсса задру ишла дуван хѳарачат бува. Агар кумаг къахъурча, имамначѳан лавгун хѳукму бан багъанссар. Гъарца ишираву, Аллагънаяр хъунасса кумагчи цѳама акъассар. Чѳавуну дуаь дулува. Хъунмурчѳин, Аллагънал инсан захѳиматшивурттавун бунагъирттахлунур утайсса. Агар винма кѳулну бухъурчан инава бувсса бунагъ, пашман хъуну Аллагънахъ ялтту учѳу уча. Хѳадисраву бур – «Тавба (тавба-Аллагънахъ ялтту учѳу учаву) дуллалисса инсаннан гъарца захѳиматшивурттава ххуллу лякъайссар, хъусризки чѳяру шайссар», - тѳий. Му ххал бувсса, цѳак бакъасса задри. Аллагънал цѳими бишиннав.

Рузнама

АВГУСТ

Table with 7 columns: Дни, Утренний (Ac-Субх), Восход, Обеденный (Az-Зугър), Послеобеденный (Аль-Паср), Вечерний (Аль-Магъриб), Ночной (Аль-Гѳишаь). Rows 1-30 showing dates and times.

Зунтал районнай чак байссар 15 минутрал чѳалну.

Contact information for 'ASSALAM' newspaper, including publisher details, editorial board, computer group, and subscription information.